



## **Universitätsbibliothek Paderborn**

**Occupatio animae Jesu Christo crvcifixo devotee.**

**Leroy, François**

**Pragae, 1666**

§.3. Tam præproperi in Christo crucis complexûs, causæ nonnullæ.

[urn:nbn:de:hbz:466:1-47123](#)

rem sanguineum usque ad terram emfuit, propter hoc quod acerbitatem mortis prævidebat: ita anima Christi prævidendo ista tormenta sibi affutura, summo dolore dolebat, quamvis corpus non experiretur tantum, sicut quando passioni fuit Christus propinquus. Et infra: Sciebat, & continuè considerabat, à quibus, & quando, & quomodo, & quantum debebat affligi, interfici, deludi, & mactari; & videbat se ad hoc natum, & venisse in mundum: unde non poterat esse nisi in dolore, &c. Ad extremum ita concludit in rem nostram: *Et sic tota vita Christi fuit associata summo dolore, tristitia, & afflictione.*

Maneat igitur quod dicebamus: Christum per omnem vitam, cum futuram passionem suam certâ prænotione, comprehendenter, magnum animo dolorem ac cruciatum exinde cepisse; atque ex his internis angoribus (ut alia de essent extrinsecus) occultam, sed grayem, sed longam & perpetuam crucem, benignissimo Salvatori constructam ac constitutam fuisse.

Quo loco & istam adferre licet à proposito non abhorrentem cogitationem: Quemadmodum ex ritu recepto, summo Pontifici ejusve à latere Legato, quounque procedant, crux anteferrunt: ita Christum Dominum, qui & Pontifex noster appellatur ab Apostolo, & pacis cum mundo conciliande gratiâ, Legatus est de Latere Patris (quippe quem virum cohærentem sibi, ipse per Prophetam appellat Pater) quidquid animo agitaret prætenderetve, vivam & ob oculos perpetuò obversantem habuisse futurorum suppliciorum imaginem; ipsamq; adeo crucem suam, quounque pergeret, quounque se yerteret, sese quodammodo antecedentem aspexisse.

### §. 3.

*Tam praproperi in Christo Crucis complexius, causę  
nonnullae.*

Hinc

Zach. 43.

Hinc autem in primis mecum colliget pius Asceta; quia  
Hingens fuerit in Christo I e s u , & quantopere flagrans  
crucis amor. Qui cum posset, si veller, salvo etiam pre-  
cepto Patris, & incolumi atq; integra salutis humanae pro-  
curatione, in tempus huic rei præstitutum differre passionis  
sensem; & aversa alio futurorum malorum imagine, omne  
crucis suæ præsumptionem ac prægustationem declinare,  
voluit tamen ab oriis sui principio, & per omnia deinceps  
momenta vitæ, in assidua tormentorum suorum præsen-  
tione ac recognitione versari; eaq; ratione crucem suam, qua  
paucarum horarum esse poterat, vitæ suæ commenſam atq;  
coævam, eōq; perpetuam, facere. Itaque nec ipsum na-  
scendi tempus sustinens, etiam in materno utero, ipsoque  
ad eo primo sui conceptus momento, ut cum Apostolo Pa-  
ulo primâ parte diximus, moriendi legem sibi à Patre impo-  
sitam defixit in medio cordis sui, oblatamq; crucem arde  
complexus, jam tum sponte suâ in illa distentus est; omnes  
illius acerbitates semper in mente, semper in desiderio ha-  
bens, earumq; gultum atque experimentum anticipans; ut  
ex eo momento (prout Sanctus indicat Bernardinus) veluti  
erucifigi cœperit, & in cruce conceptus, in cruce natus, o-  
mni denique vita in cruce versatus, & non tantum mortua-  
dici possit. Tantus amor crucis, tantum tamq; insolens pa-  
tiendi desiderium fuit.

Hujus autem tam pronæ in Christo, adeoq; effusa, ne  
dicam præcipitis, in cruce sua complectenda prægustan-  
de, cupiditatis, cum multæ cause possint adferri; istæ oc-  
currunt in præsentia, ad exemplum nostrum, usumq; cum  
primis accommodatae.

Prima: ut hoc pacto evidentiū ingentem suum erga-  
nos amorem ostenderet; quorum utique salutis negotium  
ita cordi haberet præ cæteris, ut nullam sibi in eo procuran-  
do moram indulgens, quo primū momento vivere, co-  
dem

dem saluti nostræ servire, eodem pro nobis satisfacere occiperet. Nam (ut inter alios loco supra laudato ait S. Bernardinus Senensis) ab instanti conceptionis fuit in Christi anima totus actus internus, quo DEO pro omnibus satisfecit, & quoad omnem penam & mortem DEO placitam seu exactam, se promptissime exposuit. Ut ea denique contemplatione, pudeat nos pigeari; aliquando nostra (ut mollissime dicam) in eo redamando inertia; itaq; deinceps nos comparemus, ut unica nobis sollicitudo sit illi vivere, illum diligere, illius honori ac glorie, quantumvis dura atq; acerba offerantur, obsecundare; verbo (quod graviter à S. Cypriano dictum. *De orat. Do-*  
*est*) Christo nihil omnino preponere, quia nec nobis quidquam min.  
ille preposuit.

*Secunda*: ut hac ratione in animis nostris ali quantum molliret crucis horrorem, eamq; doceret non adeo à nobis refugiendam aut repellendam esse, sed è contra in ea inesse quiddam, propter quod requiri atque amari digna sit: quando ipsa DEI Sapientia, sciens utique reprobare malum & eligere bonum, crucem suam ut rem oppidò desiderabilem, votis etiam præfestinatis expetierit, eiq; à vitæ principio ad ipsum è vita exitum, indissolubili amoris nexus copulata sit.

Itaque & ab his, qui se ut magistrum ac ducem consecrari affectent, jure postulat, ut suo exemplo crucem suam ferant quotidie, hoc est, assidue ac perpetuo, prout suam. *Luc: 9.*  
ipse Salvator perpetuò tulit: periude acsi nobis edicat, ut ait S. Hieronymus: *Nisi anima vestri ita ad crucem fuerit præ-* In ps. 95.  
*parata, sicut mea fuit pro vobis, mei discipuli esse non potestis.*  
Atque ut idem S. Doctor scribens in S. Matthæum: *In alio, In c. 10.*  
inquit, *Evangelio scribitur: Qui non accipit crucem suam quo-* *Matth.*  
*tide, ne semel puerem ardorem fidei posse sufficere, semper crux*  
*portanda est, & semper nos Christum amare doceamus.*